

**Wakita ga Pol ya àbikioru ana  
Timote ye cɥ ni  
Ere ye ti mɔdɔmki ka wakita ga  
Pol ya àbikioru ana Timote ye  
cɥ ni**

Maslaɗa ya ti àbɛki wakita hini ni ti àɗafa slimi gayan a : nani Pol, zal asak ga Yezu ni (1.1). Ka sarta ya ti Pol àbɛki wakita hini ni ti tàfiya nan a daɗgay va keti (2.9) ; ku ndam gayan nɔngu ni tàɗɓa nan a dal-dal day kwa ti tàdi ahàr (1.16-17). Pol àsara, sarta gayan ènjia wudak, èndeveriɗaba tɔwi gayan a (4.6-7).

Pol àbikioru wakita hini ana Timote ti ga mɔvi njɔɗa, ga mɔhiani àmbrɔɗ tɔwi ya àvi ni ba, ku tamal mis ndahaɗ tɔgri daliya nɔngu ni àmbrɔɗ ba (2.1-13 ; 3.10-17 ; 4.1-5). Akada ga pakama gayan ya àɗam a wakita ya àbikioru ana Timote enjenjeni ni bu ni ti àɗam si Timote àhurkiviyu ka nday ya ti tagray gejewi, tɔcahi zlam magɔdavani ana mis kwa ni ba (2.14-26). Àɗam ka sarta ya ti duniya ara andav wudak ni ti mis atagudarkivu zlam dal-dal, ay Timote àhurkiviyu ka tay ba (3.1-9). Awayay ti Timote acahi ma ge Melefit ana mis, àmbrɔɗ ba (1.14 ; 3.14 ; 4.2).

Pol àɗam mis ndahaɗ tɔmbrɔɗa nan a (1.15 ; 4.10, 14, 16). Àɗam sak cɥ awayay ti Timote mɔra afa gayan a (4.9, 21), adaba Timote ti ègia akada wur ga hud gayan a (1.2 ; Filip 2.22).

Ay ku tamal Pol àsèra sarta gayan enjia wudak, ku tamal mis ndahan tàmbrəŋa nan a, ku tamal nan àbu acakay daliya nəŋgu ni, àmbrəŋ məfəki ahàr gayan ka Yezu ndo ; àsèra, Yezu amahəŋgay nan ti m̄hūriyu a Məgur gayan vu a huđ melefīt bu (4.18). Azləbay Yezu, àmbrəŋ do.

### *Sa ga Pol*

<sup>1</sup> Abəki wakita hini ti nu Pol, nu zal asak ga Yezu \*Krist. Nigi zal asak ti ka mawayay ge Melefīt, ti n̄hi pakama gayan ana mis. Pakama gayan ni ti nihi : Tamal t̄gia akada mis bəlan akaba Yezu Krist a ti aməvi sifa ana tay.

<sup>2</sup> Nəbukki ti ana nak Timote. Nak ti k̄gia wur goro a, nawayay kur dal-dal. Bəŋ geli Melefīt nday ata Bay geli Yezu Krist t̄gruk sulum gatay, t̄jənaki kur, t̄gray ti k̄anjəhadumkabu akaba mis àna sulumani ti.

### *Pol agri s̄si ana Melefīt, avi njəda ana Timote daya*

<sup>3</sup> Nəgri s̄si ana Melefīt. Melefīt ti nəgri t̄wi àna huđ bəlan, akada ga ata baba ya t̄gray ni. Nahəŋgalay nan kəlavad, məlavad akaba məlafat gani do dek ; kəla ya ti nahəŋgalay nan nahəma nahəŋgaluk nan daya. <sup>4</sup> Ka ya ti mēdevu ni ti k̄təwa, k̄awayay ti mēdevu do ; nahkay ti ka ya ti nahəŋgalay Melefīt ni ti nəjalakuk ahàr, nawayay mipi kur. Tamal n̄pia kur a ti anəmərvu dal-dal. <sup>5</sup> Nəgri s̄si ana Melefīt adaba nəsərkia ahəmamam kəfəki ahàr ka Yezu àna huđ bəlan ni. Dedi gayak Ləwis akaba muk Ewnis t̄fəkia ahàr enji gayak a ; nəsəra, nak day kəbu kəfəki ahàr akada gatay ni.

<sup>6</sup> Nahkay zla nahəma, nəhuk kadvu ga magray təwi àna njəda ge Melefit ya àvuk ni. Kəsəra àvuk njəda gani nani ti ka ya ti nəbəkuk ahar ni. <sup>7</sup> Kàgray aŋgwaz ba, adaba Melefit àvia Məsuf gayan ana leli a ; Məsuf gani nani agray ti màgray aŋgwaz ba. Məsuf gani nani ti avi njəda ana leli dal-dal sawan. Avi njəda ana leli ti mawayavu, məbi slimi ana ahàr geli lala daya.

<sup>8</sup> Ègia nahkay ti kàgray mimili ba, hi ma ga Bay geli ana mis àna njəda gayak dek. Goro ya təfiyu nu a danɣay vu azuhva Yezu ni ti kàgray mimili àna nan ba daya. Tamal mis təgruk daliya azuhva \*Ma Məweni Sulumani ga Yezu ni akada goro ya təgru ni ti gəskabu, adaba Melefit avi njəda ana leli ge mebeseni. <sup>9</sup> Melefit ti àhəŋga leli a, àzala leli a ge migi ndam gayan njəlatana. Àgray nahkay ti azuhva təwi geli ya məgri ni do ; àgray ti ka mawayay gayan, àgri sulum gayan ana leli azuhva təwi ga Yezu \*Krist ya àgri ana leli ni. Kwa ka sarta ya Melefit àgraya məlan a faŋ ndo ni Melefit àdəm aməgri ana leli nahkay. <sup>10</sup> Ere ye ti Melefit àdəmbiyu ahaslani amagray ni ti, nihi ti àgra. Àgray ti àna məslərbiyu Yezu Krist Bay mahəŋgay leli ni. Krist ti àgray ti kisim mīgi zlam masakani, àhi Ma Məweni Sulumani ana leli ti məŋgət sifa àna nan, məmət day-day ba.

<sup>11</sup> Ma Məweni Sulumani gani nani ti Melefit àzalay nu ti nəhioru ana mis ; nīgia zal asak gayan a ga macahi ma gani ana mis a. <sup>12</sup> Təgru daliya hini ti adaba nàgra təwi gana lala, ay nàgray mimili àna nan do, adaba nəfəkia ahàr ka Yezu a, nəsəra nan a lala. Nəsəra esliki majəgay ere ye ti àfuvù a ahar

vu ni duk abivoru ana vad ga manja gayan a. \*

<sup>13</sup> Kəsəra pakama ge jiri goro ya nəhuk na. Gray ere ye ti nəhuk ni : fəki ahər ka Yezu Krist lala, wayay ndam ge Krist lala daya, adaba nak kəbu akaba nan akadā mis bəlan. <sup>14</sup> Melefit əvuka zlam sulumana ; bi slimi lala. \*Məsuf Njəlatani əniviyu ana leli a məbərur bu ; aməvuk njədə gani.

<sup>15</sup> Kəsəra, ndam geli ya nday ga had Azi ni dek təmbərəna nu a. Fizel nday ata Hermozen day təmbərəna nu a akaba nday ndahan na. <sup>16</sup> Ay Onesifor əvua njədə sak kay, goro ya təfiyu nu a danjay vu ni ti əsi mimili ndo. Nahkay nawayay ti Bay geli məgri sulum gayan dal-dal ; nawayay ti məgri ana ndam ga hud ahay gayan daya. <sup>17</sup> Ka ya ti Onesifor əra a Rom a nahəma, əzay njədə gayan dek ga madəbay nu, mək ədua ahər a. <sup>18</sup> Nawayay ti Bay geli məgray ti Melefit məgri sulum gayan a vad ya ti Yezu amara ni. Təwi ga Onesifor ya əgri ana leli e Efez ni dek ti kəsəra lala.

## 2

### *Za njədə gayak dek ga madəbay Yezu*

<sup>1</sup> Wur goro ni, nak ti zay njədə gayak dek ga madəbay Yezu \*Krist ; agruk sulum gayan ga məjənaki kur ti Yezu Krist gani. <sup>2</sup> A haslani ti kicia ma goro ya nəhuk na ; ma gani nani ti mis kay ticia, tagray sedi gani tata. Nahkay ti daba ndam jireni

---

\* **1:12** Ere ye ti əfivü a ahar vu ni : mis ndahan tədəm Pol awayay adəm Ma Məweni Sulumani. Mis ndahan tədəm Pol adəm ere ye ti əfivü a ahar vu ana Yezu ni : tamal nahkay ti Pol awayay adəm sifa gayan ahkay do ni təwi gayan ya əgri ana Melefit ni.

ndahaŋ a, cahi zlam gani ana tay ti nday day tîsliki macahiani ana mis ndahaŋ bilegeni.

<sup>3</sup> Tamal mis ndahaŋ tægruk daliya ti gəskabá akada geli na. Gri tawi ana Yezu Krist lala, gray tawi akada ga zal slewja sulumani ya ebesey daliya ni. <sup>4</sup> Maslaŋa ya ti awayay magray tawi ga slewja ni ti awayay magray ere ye ti àbəlafəŋ kà gədakani gayaŋ ni. Zal slewja àhurkiviyu ke tawi ga nday ya ti nday ndam slewja do ni koksah. <sup>5</sup> Məsəra, tamal maslaŋa awayay macuhwakabani akaba mis ndahaŋ ti ahàr àdəm mâcuhway àna divi gani. Do ni ti ku tamal enjia enji a nəŋgu ni atəvi zlam ka duwa gani do. <sup>6</sup> Məsəra daya, ka ya ti bay ga vədaŋ edi zlam ana ndam məwəsi vədaŋ nahəma, maslaŋa ya ti təvi zlam enji ni ti naŋ ya ti àza njəda gayaŋ a dek, àwəsa vədaŋ a lala ni. <sup>7</sup> Ere ye ti nəhuk nihi ni ti ahàr àdəm kîci lala. Bay geli aməvuk njəda gayaŋ ti kəsər ma gani dek.

<sup>8</sup> Sərki ka Yezu Krist. Naŋ ti wur huđ ge Devit ; àməta, mək àŋgaba e kisim ba. \*Ma Məweni Sulumani ya nəhioru ana mis ni ti nahkay. <sup>9</sup> Təgru daliya ti azuhva Ma Məweni Sulumani gani nani ; ku məfiyu nu a daŋgay vu day təfiya nu a akada nəgudara zlam a. Ay pakama ge Melefit ti təfiyu a daŋgay vu ndo. <sup>10</sup> Ègia nahkay ti nebesey daliya ya təgru ni dek azuhva ndam ge Melefit ya àdaba tay a ni. Nawayay ti nday day Melefit mähəŋgay tay àna tawi ga Yezu Krist, nawayay ti təhuriyu a mələŋ masladani ge Melefit vu, tənjuhəd ga kaŋgay-kaŋgayani eslini. <sup>11</sup> Ma ge jiri, ahàr àdəm mis tэгəskabu ni ti nihi :

Tamal məmət ka ahar bəlaŋ akaba Yezu ti

amələbu àna \*sifa ya àndav day-day do ni ka ahar  
bəlan akaba nan daya\* ;

<sup>12</sup> tamal mebesey daliya ka ahar bəlan akaba nan  
ti

aməhuriyu akaba nan a bay gayan vu daya ;

tamal mədəm məsər nan do ni ti

nan day amədəm àsər leli do ;

<sup>13</sup> ay ku tamal məgray ere ye ti məhibiyu amagray  
ni va do nəngu ni,

nan ti amagray ere ye ti àdəmbiyu amagray ni,  
àmbrəñ magrani do,

adaba ere ye ti àdəmbiya amagray ni ti si agray  
kwa ;

divi gayan nahan àbi simiteni.

*Bay slimi ti tawi gayak ya kəgri ana Yezu ni ti  
māla tawi ge jiri*

<sup>14</sup> Ma goro hini ya nədəm ni dek ti həngri ana  
mis lala. Hi ana tay tələgavakivu ka pakama  
gərgərani ba ; hi ma hini ana tay àna slimi ge  
Melefit. Maləgavani àkivu ka pakama gərgərani ti  
zlam masakani àbəlay do simiteni, ejiñ ndam ya  
təbi slimi ni. <sup>15</sup> Zay njəda gayak dek ti zlam ya  
kagray ni dek məbələfəñ kə Melefit. Ahər àdəm  
tawi gayak ya kagray ni àsuk mimili ba ; hi ma ge  
jiri ge Melefit ana mis àna divi gani. <sup>16</sup> Tamal ndam  
ya təsər Melefit do ni tagray gejewi ti kəhurkiviyu  
ba. Gatay ya tagray nahkay ni ti kəlavad tagu-  
darkivu zlam àkivu ; <sup>17</sup> pakama gatay ya tədəm ni  
ti ejiñ mis, egi akada ambələk ya ezi, asagakivu  
ni. Ata Himeni nday ata Filet day təkibu ka tay :

\* **2:11** Məmətani akaba Yezu ti awayay adəmvaba məmbrəñ  
manjəhad geli magədavani ya ahaslani ni dek.

<sup>18</sup> nday ti tàdɛm mis tànɣaba e kisim ba àndava ; gatay ya tàdɛm nahkay ni ti tìjikia ke divi ge jiri a, tagray ti mis ndahaŋ tàmbrəŋ məfəki ahàr gatay ka Yezu. <sup>19</sup> Ay jiri ge Melefit ti anjəhad kaŋgay-kaŋgay ; naŋ akada asak ga ahay ya tàfəkada lala, àdaday do ni. Zlam àbu məbəkiani ka asak ga ahay gani nani nahkay hi : « Bay Melefit àsəra ndam gayan a.† » Àbu məbəkiani keti : « Maslaŋa ya ti àdɛm naŋ mis ga Bay Melefit lu nahəma, məmbrəŋ magudar zlam simiteni. »

<sup>20</sup> A ahay ge mis gəɗakani bu ni ti zlam təbu kay ga məbəviyu zlam. Nday dek ti ga gru ahkay do ni ga evirzegena ciliŋ do ; ndahaŋ ge biyem ahkay do ni ge elibisl. Nday ya ti sulumani ni ti tagray təwi àna tay ga vad ga wuməri ; nday ndahaŋ ni ti ni tagray təwi àna tay kəlavad. <sup>21</sup> Nahkay tamal maslaŋa àmbrəŋa zlam magədavani ya nədɛmki ma na dek ti egia akada zlam məbəviyu zlam sulumani. Bay ahay ni azay, abarafəŋa ti mīgi \*njəlatani, agray təwi àna naŋ tata. Aslamalay lala ga magray təwi àna naŋ, awayay magray təwi sulumani àna naŋ dek.

<sup>22</sup> Zlam magədavani ya bəza dagwa tawayay magrani dal-dal ni ti kəhurkiviyu ba. Zlam ya ti ahàr àdɛm kadəbay ni ti nday hi : jiri, məfəki ahàr ka Yezu lala, mawayavani, manjəhad sulumani akaba ndam ya ti tahəŋgalay Bay geli Yezu àna məbəruf bəlaŋ ni. <sup>23</sup> Tamal ndam muru tagray gejewi àki ka pakama masakani ti kəhurkiviyu ba. Səra, zlam nday nani ti egi ləgayvu. <sup>24</sup> Ay maslaŋa ya agri təwi ana Bay geli ni tàləgavu ata mis

---

† 2:19 Mənjay Macalani 16.5.

ba. Ahàr àdám manjəhad gayanə mâla sulumani kè meleher ge mis dek ; misliki macahi zlam ana mis ; tamal mis təbi seki ti mēbesey. <sup>25</sup> Tamal mis ndahanə tədám ma gayanə ya àdám ni ma ge jiri do nahəma, ahàr àdám acahi zlam ana tay àna kudufani. Tamal agray nahkay ti bi Melefit amagraj ti tâmbatkaba majalay ahàr gatay a, ti tāsər divi ge jiri. <sup>26</sup> Ndam nday nani ti \*Seteni àgəsa tay àna kəmbazl gayanə a, awayay ti tâgray ere ye ti awayay ni. Ay tamal tâmbatkaba majalay ahàr gatay na, ègia sulumana ti, atətamfəŋa kà kəmbazl ge Seteni na.

### 3

#### *Ere ye ti amagravu ka mandav ga duniya ni*

<sup>1</sup> Səra lala : ka ya ti duniya amandav wudak nahəma, sarta gani emigi zləzlada. <sup>2</sup> Ka sarta gani nani ti mis etigi ndam eri, atawayay siŋgu, etiji zlabay, atəhi ana ahàr zlam gatay ya tagray ni dek ti zlam sulumani, etindivi Melefit, atəgəsiki ma ana ata bəŋ gatay do, atəgri səsə ana mis do, atamənjələŋ ka zlam \*njələtani akada zlam masakani, <sup>3</sup> ku ndam ga hudə ahay gatay day atawayay do, atəmbərəŋ mizirey mis do, atədámki ma magədavani ke mis, atagraj zlam ya ti məbərur gatay awayay ni dek atəmbərəŋ do, atəgri daliya ana mis kələvad, atawayay jiri do, <sup>4</sup> atəsəkumoru mis, atəjalaki ahàr ka zlam ya tagray ni do, atəhi ana ahàr tətam mis ndahanə dek ; atawayay zlam ya məbərur gatay awayay ni cilin, atawayay Melefit do simiteni. <sup>5</sup> Ndam nday nani ti atədám nday ndam ya tazləbay Melefit ni, ay ŋgay Melefit nan



àbu àna n̄jɔ̀da ga m̄mbatikaba majalay ah̄ar ana mis a ti at̄eḡaskabu va do. Ndam nday nani ti k̄àhurkiviyu ka tay ba. <sup>6</sup> Mis ndahañ e kid̄iñ gatay bu t̄əbu tagosay mis, t̄əhuriyu a ahay vu afa ge mis, tesipet w̄al ya t̄əsər zlam do ni ; ègia akada t̄əki k̄əmbazl ana tay. W̄al nday nani ti t̄əbu tagudar zlam dal-dal, t̄əjalaki ah̄ar ka zlam ḡərḡərani ya m̄əb̄əruv gatay awayay ni cilin̄ ; <sup>7</sup> t̄əbu t̄əcahay zlam k̄əlavad, ay t̄isliki m̄əsər jiri ge Melefit koksah. <sup>8</sup> A haslani ti ata Zenes nday ata Zembres \* t̄əwaya macaf̄əña M̄əwiz ga magray t̄əwi ge Melefit a : nahkay day mis nday nani tawayay macaf̄əña leli ga magray t̄əwi ge jiri a ; majalay ah̄ar gatay dek magədavani, m̄əf̄əki ah̄ar gatay ke Melefit ni ègia zlam masakana. <sup>9</sup> Ay zlam gatay ya tagudar ni amazoru tay kama do, adaba mis dek at̄əsər nday ndam muru, akada ga ata Zenes nday ata Zembres ya mis t̄əsəra nday ndam muru ni.

*K̄əmb̄rəñ ere ye ti k̄əcahay ni ba*

<sup>10</sup> Ay nak ti k̄əsəra zlam ya n̄əcahuk na dek lala ; k̄əsəra manj̄əhad̄ goro a, k̄əsəra zlam ya nawayay nagray na, k̄əsəra ah̄əmamam n̄əf̄əki ah̄ar ka Yezu na, k̄əsəra ah̄əmamam n̄əb̄esey zlam na, k̄əsəra ah̄əmamam nawayay mis na, k̄əsəra n̄əmb̄rəñ t̄əwi goro do. <sup>11</sup> K̄əsəra daliya goro ya mis t̄əgru na akaba daliya ndahañ ya n̄əcakay na. Daliya gani nani ti n̄əcakay a Antiyos, a Ikoniyum akaba e Listir ; daliya weley ya n̄əcakay ndo ni weley, ku n̄əcaka daliya emitena n̄əñgu ni Bay goro ah̄əñga

---

\* **3:8** Ata Zenes nday ata Zembres ti, ndam Z̄ude t̄əd̄əm nday ndam m̄əsər zlam ga had̄ Ezip ka sarta ge M̄əwiz ni (m̄əñjay Mahərana 7.11, 22).

nu a. <sup>12</sup> Səra, ku way way do awayay manjəhadani akaba Yezu Krist akada mis bəlan, azləbay naŋ lala ti, mis atəgri daliya. <sup>13</sup> Ay ndam cuday akaba nday ya ti tagosay mis ni kəlavad atagudarkivu zlam ; etijinkia mis ndahaŋ ke divi a, nday day etijikia ke divi a. <sup>14</sup> Nak ti kəmbərəŋ zlam ya ti kəcaha, kəgəskabá àna huɖbəlan ni ba. Kəsəra nday ya ti təcəhuk zlam na ; nahkay kəsəra zlam gani nani ti zlam ge jiri. <sup>15</sup> Kwa nak a wur bu ni ti kəsəra Wakita \*njəlatani ge Melefit a ; wakita gani nani ti adəfukki divi ga majalay ahər sulumani, nahkay Melefit amahəŋgay kur adaba kəfəki ahər ka Yezu \*Krist. <sup>16</sup> Pakama ya mədi ahər a Wakita ge Melefit ni bu ni dek ti Melefit àvi majalay ahər gani ana mis ga məbəkiani ; pakama ge Melefit ti ajənaki leli ga mədəfiki zlam sulumani ana mis, ga madəfaki zlam magədavani ti magədavani eɖeɖiŋ, ga mambatikaba majalay ahər ana mis a, akaba ga macahi divi ge jiri ana mis. <sup>17</sup> Melefit àvi pakama gayaŋ ana mis ti mis gayaŋ lu məslamalavu lala, məsliki magray təwi sulumani weley weley do dek.

## 4

### *Hioru ma ge Melefit ana mis*

<sup>1</sup> Ere ye ti nəhuk nihi ni ti nəhuk kə meleher ge Melefit ; nəhuk kə meleher ga Yezu \*Krist daya, naŋ ya ti amara magrafəŋa seriya kə ndam ya nday təbu àna sifa na akaba kə ndam ya təməta na. Nəhuk ti adaba aməŋgəzlivu ana leli, aməgur mis dek. Ere ye ti nəhuk ni ti nihi : <sup>2</sup> hioru ma ge Melefit ana mis. Ku mis tawayay miceni, ku tawayay do nəŋgu ni, hi ana tay, kəmbərəŋ ba. Hiiki ma ana tay

ka zlam gatay ya tagudar ni, lægi ana tay, vi njɛda ana tay. Ku tamal ticiaba zlam ya ti kacahi ana tay na dek ndo nɛngu ni, kɛzumki bɛruv ka tay ba, besa. <sup>3</sup> Adaba sarta nahaŋ amara ; ka sarta gani nani ti mis ndahaŋ atawayay ma ge jiri ya macahi ana tay ni va do. Atadɛbay ere ye ti mɛbɛruv gatay awayay ni ciliŋ, atɛzalakabu mɛsisi ndahaŋ kay ga macahi ma ya tawayay miceni ni ana tay. <sup>4</sup> Atɛbi slimi ana ma ge jiri va do ; atɛbi slimi ana ma masakani sawaŋ. <sup>5</sup> Ay nak ti njɛhad njaŋ-njaŋ ; ka ya ti mis tɛgruk daliya ni ti besa ; hi \*Ma Mɛweni Sulumani ana mis kɛlavad. Tamal kagraj nahkay ti, kɛgri tɛwi ana Melefit akada ya adaba kur a awayay ti kagraj ni.

*Pol adɛm ara amɛt wudak*

<sup>6</sup> Nu ti sarta goro ɛnja wudak. Nara nɛvi ahɛr goro ana Melefit akada ga zum ya tabɛhadɛ ni. <sup>7</sup> Nɛkadva ana tɛwi goro ya nɛgray na lala. Nɛndeveriŋaba tɛwi ya Melefit ahɛ nɛgray na dek akada ge mis ya acuhway, ɛnja ka mɛlaŋ mɛdukana ni. Nɛmbrɛŋ mɛfɛki ahɛr goro ka Yezu ndo simiteni. <sup>8</sup> Ku nihi Melefit aslamatuva zlam a, Bay geli amɛvu azuhva tɛwi goro ya nɛgri ni ; amɛvu ti ana jiri gayaŋ. Adaba Bay geli Yezu ti agraŋa seriya kɛ mis ana jiri a : amɛvu zlam ti ana nu ciliŋ do ; amɛvi ti ana ndam ya tajɛgay mara gayaŋ ana mɛmɛrani ni dek daya.

*Pakama ga Pol ka mandav ga wakita gayaŋ*

<sup>9</sup> Zay njɛda gayak dek ga marana afa goro ke wecewecena, <sup>10</sup> adaba Demas ti awayay zlam ga duniya, ambrɛŋa nu a, aslɛka adoru a Tesalonik. Kreskens day adoru ka had Galasi, Tit ti ni adoru

ka had Dalmasi. <sup>11</sup> Maslaᅇa ya ti naᅇ àbu akaba nu ni ti Læk cilin. Nahkay kara nahəma zubiya Mark a ju, adaba Mark ti esliki məjənaki nu ke təwi ge Melefit tata. <sup>12</sup> Tisik ti nəsləroya naᅇ e Efez a. <sup>13</sup> Ka ya ti nəsləkabiya a Truwas afa ga Karpus a ni ti nəmbərbiya mugudi goro a ; zubiya ji. Həlubiya wakita goro a daya ; wakita ya ti ga ambəl ni təgəjazlkukbiya ahər ba.

<sup>14</sup> Eleksender zal gəzaᅇ ni àgrua cuday a dal-dal ; ere ye ti àgru ni ti Bay geli amatraᅇ naᅇ bilegeni. <sup>15</sup> Eleksender ti àgray ti mis təgəskabu ma geli ya məhi ana tay ni ba simiteni ; nahkay nak day bavu slimi àna naᅇ.

<sup>16</sup> Ka ya ti təgrafua seriya enjenjena, nəhəᅇgrifəᅇ ana ndam ge seriya ni ti, maslaᅇa ya àjənaki nu ka ma gani ni ti àbi ; mis dek təmbrəᅇa nu a. Melefit məmbərfəᅇa zlam gatay ya təgray na kə tay a ! <sup>17</sup> Ay Bay geli àjənakia nu a, àvua njəᅇa ; nahkay nəhia ma gayanə ana mis a àndava, ndam ya təfəki ahər do ni dek ticia. Seriya àgəs nu ndo ; àhəᅇgafəᅇa nu kə mazlahku a. \* <sup>18</sup> Bay geli amahəᅇgafəᅇa nu kə mis ya təgru cuday na dek ; amahəᅇgay nu ti nəhuriyu a Məgur gayanə ya e melefit bu ni vu. Naᅇ ti mis dek təzləbay naᅇ ga kaᅇgay-kaᅇgayani ! Aya nahkay.

<sup>19</sup> Gri sa goro ana ata Prisil nday ata Ekiles. Gri sa goro ana ndam ga huᅇ ahay ga Onesifor daya. <sup>20</sup> Erest ti ànjəhadia a Koreᅇ a. Trofim ti èbesey

---

\* **4:17** Ka sarta gani nani ti ndam ga Yezu ya təwəl tay àna seriya ni ti təbi tay ana mazlahku ti təhəpəᅇ tay. Nahkay bi Pol awayay adəm tàkad naᅇ ndo ; ay bi awayay adəm Yezu àhəᅇgafəᅇa naᅇ kə Setena ahkay do ni kə ndam ezir gayanə na cilin.

do, nàmberbiya naŋ e Milet a. <sup>21</sup> Wudaka ahar kusi ti zay njɛda gayak dek ga marana afa goro a.

Ata Ewbɔl, Pɛden, Lin, Klodiya akaba bɛza ga mɛŋ geli ndahaŋ ni dek tɛgruka sa.

<sup>22</sup> Bay geli mɛlɛbu akaba kur, mɛgri sulum gayaŋ ana kɛli dek ti.

## **Ma M<sub>h</sub>weni Sulumani ge Melefit New Testament in Muyang**

copyright © 2013 Wycliffe Bible Translators, Inc.

Language: Muyang

Translation by: Wycliffe Bible Translators

Contributor: Wycliffe Bible Translators, Inc.

### **Copyright Information**

© 2013, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Muyang

**© 2013, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

---

PDF generated using Haiola and XeLaTeX on 11 Nov 2022 from source files  
dated 29 Jan 2022

7fea74f6-4ba4-5a54-a7cf-a6c88fbc1968